

MATTHAEI GVA

RIMBERTI PARMENSIS DE RADIIS,
& aspectibus Planetarum.

PROOEMIUM.

PER aspectus & radios planetarum & stellarum sciuntur accidentia & qualitates eorum, per directiones uero sciuntur & determinantur tempora, in quibus ipsa accidentia habent euenire. Quare sequitur quod si iudicaturus Astrologus horum scientiam non habuerit, uel per negligentiam omiserit, non poterit bene neque perfecte iudicare, neque accidentia futura praeuidere, neque ipsorum tempora diffinire. Multi tamen propter laborem & hoc praetermittunt. Est enim modus proijciendi aspectus, & radios & similiter opus dirigendi, ualde laboriosum & difficile, & multarum calculationum sicut apparebit inferius. Ad breuiorem igitur & expeditiorem modum dirigendi & proijciendi radios & aspectus, composui tabulas directionum & aspectuum, quas extraxi ex dictis Halialben. tractatu 4. capitulo 7. de attazir, ubi dicit se composuisse tabulas dissoluendi nodos & exponendi aspectus. dans idem intelligere modum componendi praedictas tabulas. Composui autem cum declinatione zodiaci ab aequatore posita a modernis, quae dicitur esse graduum 23. minut. 33. & secund. 30. & ad regionem cuius latitudo est gra. 45. precise. Possent tamen componi ad quamcunque aliam regionem, & ad quodcunque aliud clima, praecognitis ascensionibus circuli directi, & ascensionibus circuli regionis uel climatis cuius uolueris tabulam componere. Sunt autem 8. capitula huius tractatus in summa.

Primum capitulum. Quid sit directio, & quid sit dirigere, & in quibusdam proprietatibus seu conditionibus directionis, & quid